

KANTON SARAJEVO

SKUPŠTINA KANTONA SARAJEVO

MERSIHA MEHMEDAGIĆ

MINISTARSTVO ZDRAVSTVA

PREDMET: PONOVLJENA ZASTUPNIČKA INICIJATIVA

Molim Ministarstvo da osigura dosljedno provođenje Zakona o zdravstvenoj zaštiti FBiH (Službene novine FBiH, broj 46/10) te Odluke o utvrđivanju osnovnog paketa zdravstvenih prava FBiH (Službene novine FBiH 21/09) u pogledu prava trudnica na zdravstveno osiguranje bez obzira na to da li su osigurane ili ne.

OBRAZLOŽENJE

Društvena briga za zdravlje ranjivih kategorija u članu 12. tačka 9) obuhvata „zdravstvenu zaštitu žena u vezi sa planiranjem porodice, kao i u toku trudnoće, porođaja i materinstva nakon porođaja, bez obzira na status zdravstvenog osiguranja žene, u skladu sa propisima o zdravstvenom osiguranju.

“ Finansiranje se vrši, između ostalih izvora i iz „prikhoda prikupljenih po osnovu doprinosa za zdravstveno osiguranje, sredstava budžeta kantona u skladu sa mogućnostima kantonalnog budžeta u kalendarskoj godini“.

Ovo pravo je dalje detaljno definisano u članu 11. Odluke o utvrđivanju osnovnog paketa zdravstvenih prava FBiH u kojem je utvrđen Paket zdravstvenih prava neosiguranih lica koji se finansira iz budžeta kantona ili općine prema mjestu zadnjeg prebivališta neosiguranog lica.

S obzirom da će zdravstvena ustanova pružiti uslugu trudnici, ali je i naplatiti, ukoliko Ministarstvo ne osigura sredstva za implementaciju navedenih propisa, nastavit će se izrugivanje Zakonu i to na jednoj od najranjivijih kategorija. Za to vrijeme neosigurane trudnice po svakom redovnom pregledu plaćaju minimum 50 KM.

S toga molim Ministarstvo zdravstva da napravi procjenu potrebnih sredstava i istu uputi Ministarstvu finansija i Vladi na izjašnjenje kako bi se iznašao adekvatan način za finansiranje navedenih zakonskih prava.

05.06.2017.godine

Zastupnica

Mersiha Mehmedagić